

Jaorverslag vastelaovesverieniging De Spurriemök seizoen 2001-2002.

Ut is un bitje tège kost, mar ut huurt now iënmaol bej un jaorverslag en durrum begint ôk dit jaor ut jaorverslag mit de ciefers, de datums en de name van ut carnavalsseizoen 2001-2002.

Ut bestuur bestond uut:

Vurzitter	Wout Zanders
Penningmèster	Twan Voermans
Secretaresse	Rian Clephas
Vorst	Marco de Mulder
Bestuursleje	Ruud Zanders
	Peter Claessens
	Martien Steeghs

De raad van elluf bestond dit jaor uut:

Jan Classens	Eric Flinsenbergh	Richard Geurts	Marc Zanders
Johan Creanmehr	Emiel Evers	William Steeghs	
Dave Clephas	Erik Loonen	Fabian Voermans	
Eric Geurts	Hans Loonen	Guus Willemsen	

De raad van elluf vergaderde 6 kier bej Wout en Lilian an de Zandhoek.

Ut bestuur kwaam ien totaal 9 kier bejen.

Ut antal leje bedroeg: 158.

Hiervan ware dur 7 bestuurslid, 13 raadslid en 6 iere-lid nameluk Jan Beerkens, Thei Hendrix, Hay Steeghs, Wil Willems, Gerrit Houwen en Jan Nelissen.

De rest, 132 ien aantal, steunt os verieniging en zit veuran op dun Bonte Aovend.

Dit jaor un ander begin as alle andere jaore. Ut vastelaovendsseizoen wier geopend dur de Vorstenraad. Die han un 11 durpetocht georganiseerd. Alle carnavalsvereniginge ginge alle durpe af wor un activiteit was georganiseerd. Ien elluk durp môs iemus van de vereniging an un activiteit mit doen. Ien de Hei zate alle penningmèsters wèr ien de scholbank vur en dictee. Ien de Smakt moste riek smiete, ien Oastrum klingelhange. Ovveral was ut anders, ien Oeldere wier de kar mit de 11 prinse getrokke dur de 11 aldste raodsleje.

Nao d'n durpetocht begos de recordpoging vur de langste polonaise in ut guinnessbook of records. Helaas kwamen ze vur ut record ongevèr 6000 meense te kort. Daorna was ut nog wel gezellig ien d'n Klokkeluider.

S'woensdags 14 november begos vur os de jaorvergadering. Ut was de leste vergadering mit ozze vurzitter Jan. Zo juist heb ik ut verslag vur gelèze. Bej dizze wille wej Jan nogmaals bedanke vur alles wat hej vur ôs vereniging het gedaon.

's Zaoterdaags 17 november mochte wej dur wer op uut, dit kier naor ut Vorstenraodsbal ien Venroy ien de Schouwburg. Er wier en moi programma opgedrage mit de Noot, Rob & Willie en natuurluk nie te vergète de Vorste. Daorna kwaam er enne kei gezellige aovend mit de Puppies in de Foyer. Ok kwaam Beppie Kraft nog optreje. De stemming zaat er al zo goed ien dat zej naor en paar nummers wer ging.

's Zondags 18 november ginge wej naor ut afscheid van Vorst Tenny en ut uutkomme van d'n neje vorst ien Venroy. Nao enne hiele tied waachte kwaam d'n neje Vorst Fun Siebers uut. Daornao begos de receptie. Wej han bejnao gen kans um de groët vorst en de neje vorst un hendje te gève. Wej mosse vurkroep en wiere umvergedowd. Sommige hebbe nie ens de kans gekrege um de vorste de hand te schudde.

's Zondags 25 november ginge wej naor Mersele die han ut 44 jaor bestaon van ur veriëning. Ok kwaam daor de neje vorst uut. Vorst Herman stopt naor 22 jaor en werd lid van ut bestuur van de Vorstenraad. Vorst Frans Jansen is d'n neje vorst van Mersele.

Bonte Aovend

Dit jaor wier d'n Bonte Aovend geopend dur zes moje mechjes uut ut Spurriemökkeland. Ien ut begin han zej alde klier an mar al snel stonde zej in strake pekskes te swinge op lekkere muziek. Doarna begos ut te stuuve, ozze ceremoniemeesters was nergestort op ut podium. Mit de sjaal recht op begos Erik Flinsenbergh as piloot de aovend an en te praote.

Um d'n nergestorte ceremoniemèster te kunne geneze kwaan d'r un buutreedner as verpleger op ut podium. Den as medicien mit gaaf Mak in ut lève veul lol en plezier en drink op ziene tied un lekker glèske bier. De volgende act ware de vrollie van de raad. Zej ware alde die mit duun an bejaardegym. Hier en daor kraakte ut, zonder luiers en rolator kosse zej ut podium nie verlaote. Daornao kwaam ut kunstwerk op ut durpsplein tot leave. D'n durpspolitiek, zej braochte dun durpspolitiek errug haaj. Op zoaterdag mosse Prins Ton en Prinses Wies dur an geluëve. Ut Prinsejaor zaat dur op. Nao un bedankliedje van Dansmarietjes Rob en Jan ginge ex- prins Ton en ex-prinses Wies op de moter de zaal uut. Ex- prins Ton en ex-prinses Wies nogmaals bedankt vur ut moje Prinsejaor. Ien de pauze haj de brudjescommissie wer gezurgd vur lekkere brudjes. Gelukkig kwaam iederiën na de pauze wer rechtop vur de Kelderband mit Henk Jacobs en ut lied Oeldere Alaaf.

Daorna kwaam Zurrie Spaod. Reter en Puud braochte wer un prachtig stuk. Vural ut achterste vurre sprookje kreeg de zaal pardstikke hlat. Daornao kwame Guus Willemsen en de kameroaje op de buhn. Zej speulde um filmset van Tontje, den pien haj hier. Langzaam, snel, mit emotie en mit humor ut miek ur nie uut ut was moj. Daornao kwame dur nog twie Helmonders, zej han ut ovver schoonmoeder, kampiere en ut internet. Zej han trouwes ok un goeje remedie tege kaalheid, Smeer mar wa appelmoes op owwen bol en wacht drie weke ien d'n kelder en zeker wete dat d'r haor op staon.

Prinsroaje

Op zondag 30 december wier dur an de deure ien Oeldere gevraagd wie d'n Neje Prins zij werre. Iederiën ien Oeldere haj un kerstkaart ontvange van ozze neje Prins. Fledder(kont) en de Kok (mit 2k's) zien druk op zuuk gewest naor ozze neje Prins. Zej han moje verslage geschreve van ur zuuktochte.

Prinseproclamatie

Zoas elk jaor was de Linde wèr bom vol. Weges privé-umstandighede kos ozze Vorst Marco ut woord nie voere. Dit gaaf wel un zwart rendje an de Prinseproclamatie. Ut presentiere van de neje prins was moj ien mekaar gezet. Oeldere viert zoas gillie wiëte gèr kermis en daorum stond dur op de buhne enne heuse Prinse Kraom. Ut was de bedoeling dat de meense ien de zaal iëne euro betalde en dan un nummerke koze roepe. Achter de deure mit de nummers stond, zoë zèn ze, de neje prins.

Dur ware elluf nummers, die zien ok allemaol ope zien gewèst, pas bej de latste deur hing un kartje mit de latste elluf regels van de neje prins. Wout laas dees regels veur en de sterreflitsers begosse te fonkele en daor stond de neje Prins van Oeldere Prins Jos dun Urste

en Prinses Petra, mit de liefspreuk: Carnaval ien Oeldere dat is un fiëst mit pit. De Prins mit zien gevolg göt veruop en alle mökke doen mit.

Prins Jos begos an ziene urste speech en hej haaj dur zin ien, net zoëas Prinses Petra en de rest van de zaal. Daornao volgde enne polonaise mit de kersverse prins, enne polonaise kan iederiën. De kiender van Jos en Petra kosse zich nie vurstelle dat Pap en Mam Prins en prinses ware en kwame dan ok mar zelf kieke.

De jeugd stond ongeduldig te waachte op ut neje jeugdprinse trio. Mar urst wier Annemarie ien de bloeme gezet. Zej hèt vur de ganse jeugdraod neje mantels gemakt. Annemarie bedankt vur de moje pekskes, ozze jeugd stut er de kommende jaore wèr piek fijn op.

De Prinse Kraom stond nog op de buhn en alle kiender ien de zaal mosse same mit Wout un toverspreuk zegge Hokus Pokus Pilatus Pas ik wooy dat de jeugdprins(es) dur was. Nao un paar kier anzette ging de deur ope en daor stond ut neje jeugdtrio: Jeugdprinses Auke, Jeugdvorst Luc en Jeugdnar Wendy.

Nao de hendjes en de kusjes kwaam de bekendmaking van ut neje boerebruudspaar. Dur wier vuruutgegaon naor ut jaor 2050. Mark Toonen vertelde hoe Oeldere dur dan uut zuj zien. Dur is dan ok nog gewoën kermis en de jonge geve dan ut leukste magje nog steeds un zelf geschote roos. De bruidgom dej dat ok en daor ginge de zakke van de kop en stonde Heino Baltussen en Maria Claessens op ut podium.

Daorna volgde nog veule gezellige uurtjes ien de Linde.

JVV aovend.

Um half aacht zaat de zaal al vol. Toen wej binnekwame was Nabbe Sef al an ut speule. Jan Joëste haj veurig jaor nog genne medaille gekrege dat wier metiën recht gezet. Daorna was ut aftreje van Prins Toën en prinses Dien, zej treejde van de televisie af want zej kosse dur zelf nie bej zien.

Vervolgus begos ut uitkome van de lèste JVV-prins. Via touwtje trek kwame elluf artukele te veurschien deze sloege op de neje JVV-prins. Daor was ie dan de neje en de latste JVV-prins Karel Steghs mit ziene liefspreuk: Spurriemökke en Spurriemökkinnekes make veul lol en plezier ieder op zien ège manier, geniet mit volle teuge dan zal ow dat nog lang heuge. Zoas bej elke JVV-aovend gaaf de volksdansgroep ok wer un show weg. Nao ut danse kwaame de brödjes en was dur efkus pauze. Nabbe Sef haj un moj liedje gemakt ovver un fotoboek. Dur kwaame veul moje herinneringe naor bove ien de zaal. Dit jaor vertelde Loonen Thei gen mupkes mèt, mar kwaame Loone en Thei ur moj mupkes vertelle. Ut was kei gezellig en dur wier veul gedanst alliën weinig polonaises. Mar ut was wer biëstig gezellig en vur dat gejj ut wet is ut al wèr laat..

Aldwieverbal

Ut Aldwieverbal, ut mojste verklede bal ien Oeldere. Iederiën haj goed ur bestgedaon um dur kei moj uut te zien. Ut was kei druk, dat kwaam vast umdat Prins Willem Alexander en Maxima jury ware vur de mojst verklède. Zej zaate prinsheerlijk hoog, met enne moje oranje lamp mit sirene.

D'n aovend vloog vurbej, zo gezellig was ut. Wim-Lex en Maxima mosse ierder weg en de pries wiere uutgereikt dur os eigen prinsepaar Jos en Petra. De Aldwieverbal wisseltroffee wier gewonne dur ut "hoofdgerecht", de groep van Wil Willems. De twedde pries was vur de "bloemput" van de Hogeweg en de derde pries was vur ut touwtrekke um de kermis de groep

van Jan Nelisse. Bej de duo's wonne Berna en Erik en bej de eenlinge won Hans Loone as lakei van zien bruur.

Hoe later op de aovend hoe schonner ut volk. De Kutteprupkes ware mit ur neje Prins, Prins Tom ok anwezig. Prins Jos zette nog enne kier heerluk ien op Mexico. Kortom enne kei gezellige aovend en polonaise kan iederien. Vervolges zien wej lekkere eier gaon ete bej Jan en Anita op de Bremmekamp.

Circus Mök

Zaoterdags durop ginge wej op uutnuëdiging van de Piëlhaas naor Circus Mök.

De Piëlhaas biedt de carnavalsveriëningen die angeslote zien bej de vorsteraod vort jaorluks an um enne aovend mit te make op Circus Mök. Unne aovend den beter was as de afgeloëpe jaore. De sluters Rob en Willie ware wer kei goed.

Ienmiddels was ozze carnavalskrant ut Spurriemökske ok wer verrig. Dit jaor un moje krant mit duudelijke foto's en leuke stukskes.

Receptie

's Mergesvroeg ginge de kameraoj van de Spurriemök urre vurzitter Prins Jos (en de rest van de buurt) wakker make mit un serenade en onbijt. Prins Jos kwaam in ziene badjas naor buute en ging mit zien club ien polonaise un bezuuk brenge aan Jeugdprinses Auke. Rob S. te O, natuurluk van de partij, hèt volges zegge, de resepie nie zonder dutje kunne hale. Um 8 uur direct nao ut ontbijt wiere de urste fleskes oop getrokke.

Zoë as altied unne lange dag en un druk bezochte receptie, mar zeker ok un gezellige reseptie. Ut was zo'n gezellige reseptie dat de ballonne van ut dak kwame. Jacqueline haj un moje proclamatie gemakt, bej Jos en Petra viel deze goed ien de smaak. Ok wiere de alt raodsleje Leo Peters en Hans Loone en ozze alt vurzitter Jan Nelisse onderscheije mit un onderscheiding van de Vorsteraod. Al klopte de tekst nie gans, de bedoeling was goed.

En dan is ut al snel donderdagaovend. Tiggeworrig vur de carnavalsveriëning ut begin van de carnaval mit un bezuuk an de carnavalsaovend van de Scouting.

Vur ut urst ien de geschiedenis is er un bezuuk gebrocht aan de Peuters. Dit mos ok wel want ozze Prins en zien Prinses hebbe nog klèn jonge op de peuterklas zitte. Ut is goed dat de jongste mukskes zo vruug meugelijk carnaval liere viere, jong gelierd is ald gedaon.

Vrejdagsmiddags volgt dan ut carnavalsbal van de leggere schol en as geij dor rondkiekt dan hōeve wej os nog lang gèn zurg te make dat dur ien de toekomst gen neje anwas is vur de Spurriemök is.

Op vrejdagaovend was ut tied um op ziekebezuuk te gaon. Mar gelukkig ware dur gèn zieke.

Vur de verandering was ut rustig ien ut Gemèntehuis bej de installatie van de prinse van de Gemènte Venroy. Dur moge mar un beperkt aantal raadsleje mit.

Burgemèster Waals maeide ut gras vast weg en begos ovver zien eige wanbeleid bej de gemènte. Vorst Teun stont er nao names de kerkdurpe.

De vastelaovesmis was wer erg druk bezocht. De Kelderband zurgde vur en moj stukske muziek. De zang van Henk Jacobs was kei moj van mej meug den volgend jaor wel wer unne noot zinge. As leste ien de vastelaovesmis was het wer de beurt an ozze vorst den ien ziene speech de Kelderband us flink ien ut zunnke gezatte ta ta tata taaaaa. Zonder muziek is Carnaval niks, en wej hope nog lang mit de Kelderband te kunne samewerke.

Nao de mis ginge wej vur dun 14^e kier bej pastoër op de koffie .
Ien de pastorie kreeg pastoër vervolges nog un moj carnavalsonderscheidinge um ien ziene kast te hange. Ut kado viel goed ien de smaak bej Patoer en Jet. Wederom wiere wej goed verzurgd dur Wil en Nel.

Nao ut korte bezuuk an de pastorie volgde ut Mökkebal ien de Linde.
Gè mugt wel zegge dat ut verschuuve van ut Mökkebal un geslaagde actie is gewèst. Ut was biëstig gezellig en kei druk. Ozze Prins Jos en Prins Tom van de kutteprupkes en ur onderdane hebbe zich goed uutgelèft. De ganse zaal duj mit. Na Mexico kwaan dur unne container eier naor binne. Dur wier vur iederiën un eike gebakke. Lekker un eike van un raodslid, kokte die mar dukker en niet allien van gif. Kortum de opening van ut fiëst der fiëste is goed begonne. Iederiën ging wèr op tied naor huus want dur komme nog wat daag.

Zondag rond de middag werd Prins Jos, Prinses Petra en Jeugdprinses Auke afgehald mit de carnavalswage. Daornao zien wej mit zien alle dat wil zeggen de Raod, Jeugdraod en de Kelderband en anhang bej d'n Terp aangegaon vur de brunch. Dizze brunch was goed verzugd en zeker vur herhaling vatbaar. Nao de brunch was d'r efkes tied um bej te kletse en os veur te bereide op ut kienderbal.

Ut kienderbal was gezellig en goed bezocht. Ok kos iederiën zien snuut wer laote schminken. De spurriemökses han ur best gedaon op de kleurplate en de pries wiere 's middags dan ok uut gereikt. 's Oavends ien d'n Terp was ut moj vol en kei gezellig.

Maondag

Snotneuzebal is eigeluk vur de allerklènste mökskes, dit jaor ware dur veul aldere kiender. Eigeluk is ut nie de bedoeling dat de aldere kiender anwezig zien, zej hebbe twië daag kienderbal. Ut was zoa altijd druk ennuh jong geleerd is oud gedaon.

Gelukkig an ut begin van dun Venrojse optocht. Ut Oelderse Prinsengezelschap hèt ut nog net druug kunne halde. Natuurluk wer lekker frikadelle wiste ète bej Thiele.

Ut kienderbal was minder druk mar wel wèr kei gezellig. As gej de kiender ziet hosse en danse un schon gezicht vural as zej ur eige muziek hebbe of an kunne vraoge.

Um 20.00 uur ging half Oeldere naor Kassele zodat ut op de receptie van mèster Jan Striebosch drukker was mit Oelderse meense als mit knuppels. Daornao volgde nog enne gezellige aovend ien d'n Terp.

De Boerebrulloftsbuurt haj ur best gedaon en ut hette vuutspektakel was dan ok druk bezocht. Elke buurt mos mit eun grupke via kratte de andere kant hale mar moog nie mit de vuut an de grond kome. Mit de tiet veuruut ging de boerebrulluftbuurt veurop. De Optocht is ok dur Oeldere getrokke, de iene helft stut nève de kant en de andere helft lupt mit. De optocht was te vergelieke mit optochte van andere jaore.

Ien de Liende wier mit un korte seremonie ut huweluk geslote. Ut was goed druk ien de Mökkestal. Ut wier un kei gezellige middag.

Ok de Boeremoes smèkte wèr goed.

Ut eind kumt ien zicht. Ok vur de jeugd werd dur enne mök verbrand um tien uur was ut zowiet. Hier en daor wier dur un traantje weg gepinkt mar iederiën kos terug kieke op un geslaagde jeugdcarnaval. Anita Classens bedankt vur ut behere van de jeugdpakke. Zej hèt dur vur gezurgd dat de jeugdraod dur de ganse carnaval piekfijn bej het gelope, nogmaals bedankt.

Drie daag Soos

Tja wat motte daor van zegge Drukker dan druk, natter dan nat en Biëstig gezellig. Bèter kan ut nie, de jonge en mechjes van de soos verdiene un compliment. Zej make dur vur de Oelderse jeugd un grandioos fiëst van en zurge dat de jeugd ien Oeldere blijft.

Ien dun Terp was ut zoas altied druk en gezellig. Dur is ok heerluk dur gefiest. Um twèlf uur mosse Jos en Petra dur an geluuve. Toen zaat de Carnaval 2002 dur wèr op en wier de mök verbrand. Jos en Petra bedankt vur ut veurop gaon en bedankt vur dizze schönne carnaval. Mar jao polonaise kan iederiën!!

Kortum Carnaval 2002 was en geslaagd fiëst. Prins Jos, Prinses Petra, Vorst Marco, Jeugdprinses Auke (Classens) Jeugdvorst Luc (Jacobs) en Nar Wendy (Nabben), de Kelderband, Bestuur, groëte en klène raod en alle carnavalsvierders bedankt vur dit geweldige jaor.